



Stein Olav Ølvestveit hadde all grunn til å smila i dag.

Det skjer store ting i det næraste nabolaget til Uskedalen. Dagleg leiar av FK-butikken i Sandvikslia i Dimmelsvik var strålande fornøgd i dag. Stein Olav Ølvestveit og dei 5 medarbeidarane hans opplevde storinnrykk av kundar ved nyopninga av eit anlegg som Felleskjøpet Rogaland/Agder no har satsa 8 millionar på å rusta opp.



Bygget er førebels ikkje ferdig utvendig, men det tek ikkje så mange dagane.

Førebels kan det kraftig utvida huset verka noko utferdig, men Ølvestveit forsikrar at det er utvendig medan alt er klart innvendig. Det som står att er mellom anna taktekking og utvendig kledning. Heller ikkje skiltinga er difor heilt på plass. Heile bygget vil om stutt tid stå fram som nytt og moderne. Golvarealet er meir enn fordobla - frå 160 til 370 kvadratmeter. Det er laga eit nytt inngangsparti mot lagerbygningen og på motsett side er det ført opp eit tilbygg på 8 X 6 meter i to høgder. Det vil bli nytta som butikklager. Det eksisterande lagerbygget har vorte grovlager.

FK-butikken framstår no som langt meir oversiktleg enn før og drifta vil verta langt meir effektiv i og med at kundene i stor grad kan finna fram til varene sjølve, seier Ølvestveit.

Også spekteret av varer blir utvida og det er altså langt meir plass til å visa dei fram.

- Og kva var lokkemidlet i dag, ettersom det kom så mange?
- Vi hadde nokre jakkar og bålpannar som synte seg å slå godt an.

Tekst og foto: Ola Matti Mathisen